



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-411

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Zakona o pravima branilaca i članova njihovih porodica („Službene novine Federacije BiH“, broj: 33/04, 56/05, 70/07, 9/10, 90/17, 29/22, 60/24 i 6/26) i Odluke o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća donosi:

PRAVILNIK

o kriterijima, uslovima i postupku dodjele novčane pomoći za programe i aktivnosti od značaja za kulturu sjećanja, podršku civilnim žrtvama rata, logorašima, porodicama nestalih osoba i srodnim udruženjima

Član 1. (Predmet Pravilnika)

- (1) Ovim Pravilnikom uređuju se kriteriji, uslovi i postupak dodjele novčane pomoći za programe i aktivnosti iz oblasti kulture sjećanja, podrške civilnim žrtvama rata, logorašima, porodicama nestalih osoba, kao i drugim srodnim udruženjima, s ciljem podrške projektima i programima udruženja, organizacija i drugih subjekata koji djeluju na području općine Vogošća.
- (2) Novčana pomoć dodjeljuje se za projekte i aktivnosti koji doprinose njegovanju kulture sjećanja, očuvanju historijskog pamćenja vezanog za odbrambeno-oslobodilački rat, zaštiti i podršci civilnim žrtvama rata, logorašima, porodicama nestalih osoba i drugim srodnim udruženjima za realizaciju aktivnosti od značaja za građane općine Vogošća.

Član 2. (Korisnici sredstava)

Pravo na dodjelu sredstava imaju:

1. udruženja i organizacije registrovane u skladu sa zakonima Bosne i Hercegovine koje djeluju na području općine Vogošća;
2. udruženja i organizacije koje nemaju sjedište na području općine Vogošća, ali realiziraju programe i aktivnosti od šireg društvenog značaja ili u čijim programima i aktivnostima učestvuju građani općine Vogošća, odnosno koje ostvaruju saradnju sa institucijama i organizacijama sa područja općine Vogošća.

Član 3. (Vrste aktivnosti)

Aktivnostima koje se odnose na kulturu sjećanja smatraju se naročito:

1. obilježavanje značajnih datuma i događaja iz perioda odbrambeno-oslobodilačkog rata;
2. programi i aktivnosti koji se odnose na očuvanje i promociju kulture sjećanja;
3. aktivnosti podrške civilnim žrtvama rata, logorašima, porodicama nestalih osoba i drugim srodnim udruženjima.

Član 4.

(Uslovi za podnošenje prijave)

Podnosilac zahtjeva dužan je dostaviti:

1. prijavu programa ili aktivnosti putem propisanog obrasca;
2. dokaz o registraciji udruženja/organizacije;
3. opis programa ili aktivnosti sa planom aktivnosti i finansijskim planom;
4. dokaz o prethodno realizovanim programima i aktivnostima (ukoliko postoji);
5. drugu dokumentaciju ukoliko je Općina naknadno zatraži.

Član 5. (Sredstva)

Sredstva za dodjelu novčane pomoći planiraju se u Budžetu Općine Vogošća za svaku budžetsku godinu. Raspodjela sredstava vrši se u skladu sa raspoloživim sredstvima planiranim u Budžetu Općine za ovu namjenu.

Član 6. (Javni poziv)

- (1) Sredstva po ovom Pravilniku dodijeljuju se putem javnog poziva.
- (2) Javni poziv se objavljuje na web stranici Općine i ostaje otvoren do kraja kalendarske godine ili do utroška sredstava planiranih Budžetom Općine za ovu namjenu.
- (3) Zahtjevi se podnose Službi za boračko-invalidsku i socijalnu zaštitu.

Član 7. (Visina novčane pomoći)

Minimalan iznos sredstva koji se dodijeljuju po ovom Pravilniku je 200,00 KM, a maksimalan iznos sredstava je 1.000,00 KM.

Član 8. (Postupak dodjele sredstava)

- (1) Pristigle aplikacije razmatra nadležna općinska služba koja vrši administrativnu provjeru ispunjenosti uslova iz javnog poziva i stručnu procjenu dostavljenih zahtjeva.
- (2) Prilikom razmatranja aplikacija posebno će se uzeti u obzir:
 - značaj projekta za njegovanje kulture sjećanja i lokalnu zajednicu;
 - kvalitet i realnost finansijskog plana projekta;
 - broj članova udruženja/organizacije;
 - održivost projekta i njegovi dugoročni efekti.
- (3) Na osnovu izvršenog razmatranja aplikacija, nadležna općinska služba, uz prethodnu saglasnost Općinskog načelnika sačinjava Sporazum o dodjeli sredstava.

Član 9. (Isplata sredstava)

Isplata odobrenih sredstava vrši se uplatom na transakcijski račun podnosioca zahtjeva putem nadležne Službe za budžet i finansije.

Član 10.

(Izveštavanje i kontrola utroška sredstava)

(1) Korisnici sredstava dužni su:

- dostaviti izvještaj o realizaciji aktivnosti,
- omogućiti uvid u dokumentaciju na zahtjev Općine,
- koristiti sredstva isključivo za namjene za koje su odobrena.

(2) U slučaju nenamjenskog utroška sredstava Općina ima pravo zahtijevati povrat dodijeljenih sredstava.

**Član 11.
(Stupanje na snagu)**

Ovaj Pravilnik stupa na snagu narednog dana od dana objave na oglasnoj ploči i web stranici Općine Vogošća.

Broj: 09-37-507/26
Vogošća, 24.03.2026.godine

**OPĆINSKI NAČELNIK**

Migdad Hasanović

